

هناء محمود

أم عبير

بقايا روح

أشعار

الطبعة الأولى 2017

بطاقة الكتاب

عنوان المؤلف : بقايا روح
المؤلف : هناء محمود
التصنيف : أشعار بالعامية المصرية
رقم الإيداع : 2017-28628
عدد الصفحات : 100 صفحة
رقم الإصدار الداخلي : 70
تاريخ الإصدار الداخلي : 2017/ 12 طبعة ثانية
الإشراف العام : الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com [alnilwaalfourat](https://www.facebook.com/alnilwaalfourat) [alnilwaalfourat](https://www.instagram.com/alnilwaalfourat)

(المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ13 - عقار 304

الإهداء

الي روح امي الغالية التي لم تفارقتي لحظة

الي اهلي جميعاً واحبتي في الله

الي زوجي واولادي

الي نفسي التي تحملت مشقة الحياة

الي كل من آمن بي وبأحلامي والي كل من لم يؤمن بي

الي من كان له فضل في كتابة قصائدي

الي من وهبني ولو لحظة سعادة واحدة وابتسامة صافية

الي خيالي وعالمي الخاص وسكانه

الي من اهداني بوجوده سعادتني

اهديكم مشاعري واحاسيسي بين ابيات قصائدي

لاخبركم اني ساكون عند حسن ظنكم بي

مهما عرقلتني الظروف

هناء محمود

إتحكالي يااما

إتحكالي ياأما عن يوم الوفاة

إتحكالي وإنتي باصة وجوة عينك ألف ااااااااااه

إتحكالي وإنتي بتقولي خودوها وإبعدوا

إتحكالي وإنتي بتقولي الشهادة وبتسلمي

تب ليه حبيبتي؟؟ خايفة ليه؟؟؟

كنت سيبيني أودعك

إتحكالي كمان ياأمي كل مامشي تندهي

وتقولي لاعة لسة ليها في صدري رضة

ياااااااااه ياأمي وإنتي حتي مروحة شايلة همي

دول قالوا لي كنتي باصة في الوشوش وبتقوليهم

خلوا بالكم دي حته مني مالحقتش يوم أفرح بيها

وانتي خلاص بتسلمي وهترحلي
بس عارفة هقولك إيه مانتى عارفة كل حاجة
عارفة مين خان عهده بيكي
ولا يلا عن قريب أجي لحضنك وأشتكيلك
وحشتيني
يانبض قلبي اللي وقف
ياحب عمري ماعثتهوش غير في الخيال
وحشتيني

اشتقت إليك

اشتقت اليك فعلمي

الا اشتاق

ان امحي ملامح

تسكنني

بين الاحداق

اشتقت اليك

فارحمني

فالشوق معاق

معاق الفكر

والجسد

لم يعد يطاق

الشوق يضرم

نيرانه

والقلب قد فقد

حنانه

والفرح الاتي المتخفي

سرعان ماعاد

لاحزانه

فبحق قلب تسكنه

وبحق عين

لم تر في الدنيا

سواك

علمني حبيبي

ان انساك

وارحمني من الاشواق



علمني الا اشتاق
واتخلي عن حب طواق
ان اقوي علي
بعدي والهجر
فبعدي عنك لا يطاق
علمني اري نفسي
بعينك
واجعلني كما تحب
اراك
واخبرني كيف
اكون بعين حبيب
لم يعد لي مشتاق
هل يوماً رايتني
خاوية الاعماق

ام اني مريضة
من حبك
والمرض حرام
ام ان قلبي
ودقاته
ازعج اذناك
فلهذا رحلت
ولم تبقي
علي عهدي وثاق
اقسم بالمولي وعزته
الحب في قلبي
يملؤه
والشوق اليك
يحرقتني

وحنيني اليك هو

سبيلي

لتعود الي

وتسكن دوماً احداقي

وتنعم داخل احضاني

فلتأتي الي

ولنطفئ نار

الاشواااa

بداري الدمعه في عيوني

بداري الدمعة ف عيوني

ف تكويني

واداري الخوف جوايا

فيصرخ بقوته فيا

واعيش ف الدور وامثل

بكام مشهد وكام لقطه

معروفة

هناك في الزاوية دي

بضحك

هنا في الركن ده

بلعب

وحياتي كأنها مألوفة
واقول راضية
فيارب بجد ارضيني
حياة فاضية
وتاعبة كل تكويني
يشوفني الناس
فيرموني بنظرة
رصاص
مانا اودامهم الفرحة
بتملكني
وضحكي اعلي من
صوتهم
اتاري الضحكة من قلبي
بتترجي

الرحمة من ربي
فاانا راضية
وكمآن راضية
لحد رضايا مايرضي
ويكفيني
لكن احساسى موتى
متين مرة
وبيمرر تملى فى حلقي
طعم القهر
وطعم الخيبة والظلم
كمان مرة
فبسأل نفسى احياناً
وبستغبى
ليه ماقتلش احزانى

واعيش فرحة
اتاري الحزن ده مكتوب
كما الفستان والطرحه
في ليلة زفة
وجوده ضروري في حياتنا
لكنه بييجي متخفي
في صورة فرحة
نسلم روحنا للفرحة
فمن الاحزان بنستكفي
تعبت والله م الدنيا
وتعبانة اكثر من كونها
ماتسوي ودي فانية
حياة ولادة وعفية
ولغندي رحمها يبقي

عقيم

بحقن فيه وازرع فرح

يولد لي الم ويقولني

مبشتالاش ليكي

غير الحزن

حياة عقيمة ماتسواش

اتعب في قلبي وف راسي

لو كان بايدي

كنت ارحل

كنت امشي ويا اللي

مشيوا واللي راحوا

واهي عيشة وانا عايشة

بحايل فيها ما بلومها

بحايل بكرة ب امبارح



واحايل المي اللي طارح

في قلبي مليون دمة

واحايل نفسي بالفكرة

وحلمي اللي اكيد

بكرة

ياهمحي الحزن من دربي

ياهرحل م الحياة والنار

وتترجوني بدموكم

مانا راجعة

حنيني إليك

حنيني إليك

بحبك اد نار شوقي

لضي عنيك

بحبك اد نار بعدك

ماتكويني

ويكويني حنيني إليك

تاخذني الذكرى من نفسي

والاقيني انا نفسي

مابين حضنك وبين حلمي

واشواقي وخوفي عليك

زي النهاردة وزى الساعة دي

كان قلبي فاضي
والحياة ماشية كدة بالتراضي
افرح ف يوم
وابكي ف يوم
ويوم مليون بالغيوم
لحد قلبي مافجاة دق
من بين ضلوعي
هي نظرة من عنيك
توهت جوايا روعي
وقالت لي فوقي
انا الحنان وانا الامان
ياعشق روعي
سلم لك قلبي برضايا
وقلت تتهني في حضني

وتعيش معايا
الاحلام كانت بتاعتي
والحقيقة مستعجبة من كتر عندي
نسيت الدنيا واساها
ونسيت نفسي وياها
قبلك كنت روح تايهة
في ملكوته
لكن الحلم مستكتر علي الفرح
وحقيقتي حنت لي وماليها الجرح
بعدتك الدنيا عن حضني
وقسيتك
قسيتك علي قلبي
ياروح قلبي
وظال البعد بين قلبي

وبين قلبك
لكن روعي ياروح روعي
تروح مني وتندهلك
بترجاك ترجع لي
ماتبعد تاني
وتغدر بي
انا بين ايديك طفلة
بدور دايماً ع الفرحة
انا بين دروبك ضل
امشي معاك
في كل مكان
من غير مايمل
انا بجري في شرابينك
وحناتي يبان في نور عينك

انا وانت روح واحدة
فبلاها كبر ومعاندة
ارجع لي
ارجع ثاني طمني
ودفيني
ارحم نار شوقي
وارحم ضعفي وحنيني

غيابك طال

غيابك طال

غيابك طال

ومين غيرك يقدر يطمني

غيابك طال

مع ان مكانك محفور

في قلبي

وروحى والننى

ف ليه يا حبيبي

بتبيعني

وتبعدي

تحبس قلبي جوة ضلوعي

وتحبسني
ليه تكسر
فرح قلبي
وفاكر يوم هيرجع تاني
يتلملم
بكام كلمة معناها
اصله معلشي
فتمعلشي تاني ارجوك
لا انا دمعة في عين مولود
ولا ضحكة الم
ولا لحن حزين
معزوف علي عود
بعادك طال
وليلي فيه متين موال

ونور الصبح
عندان علي يومي
وحالف عمره ماينور
بدون نظرة حبيب
عيني
كفاية بعاد
قلبي سفينة غرقانة
في بحر احزان
وقلبك ليا شراع
وامان
كفاية عناد
كفاية فراق
كفاية
الفرقة فتاكة

وقناصة ودبابة

وانا عزلي

لاحول لقلبي ولاقوة

لكنك فيه

سلاح نووي

سكن جوه

يلا بينا ننسي البعاد

وننسي كان ايه السبب

بلاش معاندة

بلاش عتاب

رجعني لحضنك

احتمي

مليون سد

بين قلبي وبينك

مليون سد

وحاجات ولاخطرت

علي بال حد

حاساك في حشايا

من جوة

وبعادك عني

وعنادك زادوا ع

الحد

حاسة اني بلف

كتير وبدور

وبلاقي نفسي
في نفس مكاني
ومستنية
يجيلي الدور
بجري تملي وانا حاضنة
روحك جوايا
وارجع
الاقيني واقفة
مكاني
موش قادرة
اخطي واعدي السد
وبلاقي عيوني
الحاضنة لروحك
بتعاني كثير

من كتر جروحك
وکارهة اني
اصعب يوم علي حد
وبكلمة صادقة
ومشاعر
بهذ سدود
عليتها بعندك
يوم بينا
وبلاقي الحب جواك
سافر لبعيد
مبقاش موجود
بلملم نفسي من جواك
وهبعد عنك
هوهم نفسي

ان لاحببتك ابدأ يوم

ولا كنت للحظة في

يوم عشقك

واو عاك تزورني في

احلامي

وتقلق صفوي ومنامي

واو عاك تقابلني

يوم في طريق

وعنيك الغالية

تيجي في عنيا

انا عارفة ساعتها

هحس بضيق

ف كفاية عليا

اللي انا حاساه



وانا تايهه ووافقة
في نص طريق
من فضلك اقطع
كل حبال الوصل ما بينا
رجع لي نبضي
بعد ما كان
مقسوم بينا
رجع لي قلبي
بعد ما كان عايش
جواك
وقلبك كان عليه
يحتد
ويحبس نبضك
جوة هواك

رجع لي دموعي

واتأسف

وامشي في طريقك

وانا راح انسف

اي مشاعر

باقية في قلبي

وانسفها لو اقدر

من جواك

عتاب الأحبة

وقت اما اقبالك

ف الطريق

او عاك تطيل ليا

النظر

واو عاك تمثل دور برئ

وكأن بعدك عني

كان لعبة قدر

هجم روح جوة بوحى

وهداوى بقوة حزني

وجروحي

ماهو اصل بعدك

عني ماكان يوم محتمل
هرسم الضحكة الحزينة
وهمسح الدمعة الاليمة
موش هعاتب فيك
والومك
مانا كنت كارهة تملي
لومك
كنتي فين
وتغيبني ليه
وازاي ماكونش فرح يومك
هسيب عيوني تحضنك
وهطلق سراح قلبي
المتيم يدق لك

واخطف الفرحة اللي ضاعت

والضحكة اللي ف قلبي

ماتت

وبكل قوة وروح جميلة

هودعك

وسايبه قلبي ونور عيوني

تحرسك

وبوعدك

هتعود لحضني

وجوه قلبي

وعمري تاني

مااضيعك

حب بعد المداولة

حبي ليك موش حب عادي
ليه تدوس دايماً فؤادي
ليه تكابر ليه تعاند
ليه تزيد شوقى وسهادى
ليه عامل علي قلبي قاضي
وجوة محكمتك تنادى
الشهود رمشى وعيونى
ودمع جاري بين جفونى
والقضية قلب فاضى
أحكم الحكم اللى بيك
اللى شاغل كل فكرك

واللى دوب روى فىك
يانا من ظلمك وحقمك
الحكاية هيا هيا
والقضية بين ايديك
حط قلبى جوه قفص الإتهام
مش هقولك سبلى قلبى
أو هقولك يوم حرام
لا هقول مليون حرام
قلبى موش طالب كتير
طالب يادوب نظرة منك
وعطف م القلب الحنون
ده قانون المحكمة
المهم انك تصون
قلب حبك من زمان

قلب عاشق نظرتك
قلب حالف بالغرام
أنه يسكن جنتك
بأى تهمه بتقاضيني
ترميني ليه
جوة سور المحكمة
جوة قفص الاتهام
القضية م البداية مظلمة
رفعتها
وحكمت قلبك والهوا
دا بنظرة واحدة آثررتني
وبهمسة حنان كلبشتني
جاي تعلق لي المشانق!!
جاي تقولي انسي اللي فات!!

وابعدي كدة من سكات
يادي عندك يادي قلبك
خطفتني ف حبة ساعات
خطفتني في لمح البصر
والنهاية سايبى أموت
موش عاوز تسمع اي صوت
الساعات واقفة في بعدك
والحكاوى كتير حبيبي
ان قلبى جوه قلبك
وف النهايه هتكون نصيبى
يا حبيبي ياريت تخلى
الجلسه سرى
لو بحكمك خدت عمرى
تحت أمرك

أصل انا وحياتي دول
رهن إشارة واحدة منك
ليه تعاند قلب حبك
قلب يتمني رضاك
تسجن القلب اللي حبك؟!
تعدمه بحبال هواك؟!
لو حكمت عليه مؤبد
راضية جداً
بس يبقي جوة حضنك
سيبه يتمشى ف صروحك
سيبنى أبوح من سر بوحك
ليه قوام خلص الكلام
ليه قفلت المحكمه
ليه كلامك بالسكات

ليه عيونك موش مغرمه

ليه حبيبي

هو انا عملت عملة

يادوب بحبك من سكات

مستنبة الحكم منك

ياحبيبي بعد المداولة

بس اوعي تزود ف الساعات

كفاية عمري اللي عدا

بعندك و فات

ما بين قلبي وبين قلبك

مليون سد

إوعي تسييني

اوعي تسييني

وتهجر قلبي

بعد ماجيتك

واترجيتك

ورميت قلبي

جوة جوارحك

واتمنيتك

اتمنيت

ابقي سبب فرحك

واشغل فكرك

وابقا حبيبك

اوعى تبيعني
وانا بالغالي كله
شريتك
بقلبي وروحي
ونبض بيجري
بيني وبينك
قلبي وعمري
والله مايساوو
لحظة ف بعدك
من وقت ماحبيتك
كله فداك
طوع امر هواك

وكفاية عليا
اني
المح طيفك
اوعي تسيب في
الزحمة ايديا
اوعي تظفي
لمع عنيا
اوعي تجري
الدمع ف عيني
انت اساس نبضي
وتكويني
انت بتجري عشق
وحب
جوة وريدي

اوعى يهون يوم
قلبي عليك
اوعى تسيبني
حبيبي في ناري
انا ياما كتير اتمنيت
تبقي الجنة واعيش
جواها
اصل النار في وجودك
جنة
واصل الجنة في بعدك
ناري
اوعى حبيبي
اوعى تسمح ولا توافق
ان دموعي بسببك تنزل

وان قلبي الاخضر

يدبل

اوعى حبيبي

كن لي الحزن

الدافي الطيب

كن لي ايد

ب حنان بتطبطب

كن لي روح

في جرحي

تطيب

وانا راح اكون لك

ام واخت

حب وعمر

راح يبدأ جوة عنيك



م الاول
راح اكون لك صورة
واكون لك نفسك
راح اكون لك اصل
انصح فيك لو مرة هتغلط
وامسك فيك لو
مرة هتبعد
وبقلبي وروحي
فيك وهتبت
اوعي تسيبني وتبعد عني
اصل ساعتها روحي
تروح
لو تقسي
او تهجر حبي

رسالة إلي الوالي

رسالة الي

سيادة معالي الوالي الحبيب

بعد التحية وبعض الطيب

اخبار معالي سيادة الطبيب

اتمني من الله يدوم السلام

يدوم الحب وعشقي وغرام

ممكن تطيب جروحي سيادتك

ممكن تقيس لي في وجودي نبضك

ممكن تسمعني همسي في قلبك

حابة اهمس في أذن معاليك

واقولك بلهفة وانده عليك

دوايا في ايديك
شفايا في عنيك
والي المدينة
اللي سكانها قلبي
ونبضه وشوقه ولهفة عليك
ممکن تفرض عليا الحصار
وراضية جداً واكون في انبهار
ممکن تقاوم جيوش التتار
وتهزم بقلبك حروب المغول
وتحارب بلهفة عليا ونار
سيادة معالي والي مدينتي
حبيبي ومعزة أمي وبنتي
ممکن تخطفني
علي جواد الهوي

وترفع بايدك راية انتصار
وتكتب علي قلبك
مغلق تملي لصالح اميرتي
أميرة الديار
ملكة قلبي وسفيرة الغرام
وانا راح اكون لك جارية
في وريدك
واكون شهرذادك
وتكون لي شهريار
احكي حكايتنا ليل نهار
واصحي تملي
اشواقي في قلبك
واكون لك حبيبة
واكون لك طيببة

واكون لك قمره في وضح النهار
سياده معالي والي القلوب
بعد اشتياقي وحيي لقلبك
وتفاني المحبة في قلبي
الدوب

ملكة هواك

حبيبي ومليكي

بسلم وبمضي وبختم كمان

بقلبي ونبضه

وبحلف هكون لك

رفيقة الزمان

وبحلف ماخون

وابداً ماكون

غير ملكة وعرشي

مكانه في هواك

تروح لو تروح

وتبعد ماتبعد



قلبي وروحي تملي معاك
هخوض الحروب
وامسك بايدي زمام الامور
وهنفي من مدينك كل العيون
واعين جيوشي
تحمي عروشي
وجيشي يبقي
عيوني ورموشي
ومن قلب حبك
شوية سهام
سيادة معالي
الوالي العظيم
كم كان جرحي
في بعدك اليم

كم كان قلبي

ينزف انين

فهل تلتحفني

واكون حبيبي

من الفائزين

سيادة معالي

والي الدروب

اعاهدك بقلبي

اكون لك

نور وقت الغروب

سيادة معالي والي

الهوي

ارجو ان تنال

رسالتي القبول



لابعد حدود

الشعر بيه هكون لسان حال الامم

بحلم بنفس حلمهم

بدعي بأمان يسكن تملي

ارضنا مع ارضهم

عابوا فينا وكثير لامونا

قالوا عنا جنانا مالينا

ياريت يكونوا ف يوم مجانيين

ويشوفوا الدنيا بعيننا

ويحسوا الدنيا باحساسنا

ويتابعوا تملي خطاويننا

ويعيشوا معنا في سماننا

مطرح ما حروفنا واخدانا

الدنيا دي لو فيها مشاعر
ماكنا نشوف ابدأ فيها
فقير وب ذله اصبح شاعر
ماكنا نشوف ابدأ يوم
لا حزين ولا كائن مهموم
ماكنا نشوف ابدأ فيها
اخين يتقاتلوا عشان لقمة
والام ماينهم محتارة
والحزن ماليها وكاويها
ماكنا نشوف اتنين اصحاب
مع بعض تملي ظاهرين
وفي وقت العوزة والحوجة
يعملوا فيها ولاهم فاهمين
ماكنا نشوف فيها يتيم

يتراضي بحبة ملاليم
ونسينا انه رسولنا وصي
وشار بايديه علي كل كافل في الجنة
بحواره حبيبنا ويتنها
لو نرجع ونفوق من الغمة
ونعيش الدنيا باحساسنا
ونسبنا بقا من القيل والقال
هنلاقي الدنيا بقت جنة
لو نتمني لبعض الخير
ونبطل من بعض نغير
ونكون احنا سبب تغيير
والكلمة الجارحة لو عدت بينا
ندفنها في بيرررر
موش نعملها لبانة تملي

ونحط عليها اكثر بكثير
لو حكمنا قلوبنا البيضاء
مع حبة عقل وتفكير
كنا عرفنا ساعتها صحيح
ان الشعر رسالة وواضحة
موش مربوطة بوزن وقافيه
الشعر روحه في احساسه
ووصوله لاصحابه وناسه
وانه يكون سبب تغير

ثورة الحب

انا ثورة وميدان

والناس

وقلبك فوق سما عاليه

نشان قناص

انا الثورة اللي بتطالب

بشوق وهيام

وقلب حبيب يكون

ماليان وفاء وغرام

وانت نظام

فارض عليا خطوته

وعايشة فيه

وجوة منه
بالرغم من ظلمك قلوب
الشعوب
ماشية لسة تحت طوعك
وراضية اكون
نكسة في هواك
وهعيد بداية ثورتي
وهمحي حزن نكستي
وهخوض حروب
جوة قلوب
مايهمني
اتوة واضيع بين الدروب
لكني هتحدى النظام
وهثور واثور

جوة منك هحيا وهكون
احنا شعب اليأس
يوم مامسنا
والجرح عمره ماهدنا
وفي ذكري اكتوبر هكون
تاتي الجيوش المسلمة
بمعني الحروب
وهطم خط بارليفك
واعديك
وافرض حصار قلبي
اللي ثار
واوصل وصال قلبي بحنان
وارفع عليك راية انتصار
واخطيك

عند الأشواق

وحياتي

اسودت من غيره

وفي بعده

براح الدنيا بضيق

وغيابه اوقات

بيدمر فيا

كل مشاعر القلب

الباقية

مابحس بقلبي

غيره انه وتينه

بضيق وبضيق

والنبض بعاند

اشواقى

ويدق يدق

يدق

يزيد

وبحس الروح

الهيمنه

في ملكوت الله

بتأمل في الكون

حواليا

وبقول الله

شايفاه في وشوش

الناس

وكمان



شايلاه في اسراب

الطير

حاساه في هوايا

الداخل ينعش

في الرنتين

حاساتي تايهة

موش لاقية

بر

ولامرسي

وكأني في موج الدنيا

غريق

محتاجة لايده

تنقذني

محتاجة لصوته

يونسني
محتاجة لقلبه
وصوت نبضه
ينور لي طريق
ويمحي ظلام البعد
عن قلبي وعيني
ويكون لي رفيق
بلاقي في بعدك
دمي الجاري في
شراييني
بقي كله اشواق
وبيكويني
امته راح ترحم
وتجيني

وكفاية فراق
لامته هتسيب
قلبي بينزف
آهات واوجاع
ولامته
هتفضل كدة عاشق
وبتعند وتخي
الاشواق

محتاجه اتكلم وافضفض

محتاجه اتكلم

وافضفض

واتخلي عن الحزن

الساكن

في ضلوع الروح

محتاجه تاني ماتالم

وفي وقت الشدة

راح اتكلم

وبقوة هدافع عن

قلبي

ماهسمح لمعاق



الدنيا

يدوس علي قلبي

تملي وييلم

ويادوب راح انوح

والجهل وناسه

انا هلغنهم

ولا هسمح تاني

اني اسمعهم

ناس فاضية

وخواوية من جوة

لا عقول ولا قلب

لامرة بحسوا

باوجاعنا

ولا فكروا مرة

في مشاغلهم
وازاي الفكر يطولهم
يوم
والعقل النممن
موش موزون
ناس كل ماتكبر
با اعمارها
بتصغر بالعافية
عقولها
مطلوب استحمل
بس ازاي
وانا كلي اوجاع
وخوف م الجاي

وازاي اعديلهم
اغلاطهم
وغلظهم
عدي حدود الوصف
معروفة تملي وواضحة
لناسي وضوح الشمس
واسم الله عليهم
زي ماكانوا
زمان والامس
ناس خاوية وفاضية
ماتشغلني
لكنه الحزن
غصب عن قلبي
بيقهرني ماانا برده بحس

ميلان الروح

و بحس بفرح العمر
الجاي متداري في احزان
يترسب جوه
جدار الروح
يعمل ميلان
يتشقق كل ماكان
جوايا
واحس بروحي مهدومه
وكأنها
زي بناية
مبنية من غير اي اساس

والظلم حرام والكذب
يوذي الناس للنار
وبنايتي اساسها متين
ومتين
احزان وهموم
جارية في وتين
ماحس في لحظة
طعم الفرح
ولا عاش غير في
الاوهام
ملعونة الروح
اللي تملي
بتسلم روحها
لاحزانها

ملعون الفرح

المتداري

ورا حزن وجرح

ودموع عينا

ملعونة الناس

الخداعة

ملعون الصحبة

الغدارة

ملعون الحب لو يبعد

ويبقي يادوب

ذكري حزينة

ملعونة روجي

الهيمانة

للفرح تملي عطشانة



وصحاري الدنيا

ما بترحم

عاوزاني سفينة

صحرا

اتحمل شمس الصحرا

القاسية

وعطش الروح

الضعفانة

وافضل طول

عمري ظمّانة

مشتاقا ارتوي

من فرح

الدنيا

والدنيا دي فانية

وظلمانا
صبري فيها
ك صبر ايوب
وقماشة القلب
من جوة
صبحت دايبية
وقطعانا
وجراح الناس
القاسية
لقلبي
بتدوب جداً في
دموع
عيني

والروح من كتر
الشوق بتدوب
كما شمعة
تنور كل دروب
ولا همها مرة
تكون ذكري
حاجة عدت في الدنيا
وفكره
واخذت العهد
علي نفسي
ومضيت وختمت
علي قلبي
لا يحن ويعشق يوم
ويدوب

ولا يحلم ثاني ويتمني
ولا يرمي نفسه في
حضن الدنيا واحزانها
وانا عارفة العهد
اللي اخدته تنفيذه
اكيد حاجة موش سهلة
لكني هقوي
علي احزاني
ودموعي وظلم
الناس ليا
وجراح قلبي هبدلها
لسعادة تملي
الكون كله
وتشوفوا اللمعة في عنيا

أنا حد سعيد أوي من براه

انا حد سعيد اوي من براه
من جوه ببيكي بحرقة واه
انا حد بيقسي كتير علي نفسه
وحنين اوي جداً علي غيره
انا حد عنيد لدرجة مخيفة
لكني عنادي في لحظة انساه
مع كلمة وضحكة وروح مألوفة
انا حد يحب الخير للناس
واسعي له تملي
واتوه في الزحمة كتير وانداس

انا حد اتنين وتلاتة في بعض
بحب الصدق واحب الحب
واتمني الدنيا تعيش في السلام
ويسود اوطانا رخاء وونام
انا حد اتشعبت حلمة في قشة
وروحة شوية مكسورة وهشة
انا حد واخدها تحدي وعند
انا حد ابيض من جواه
انا حد هيوصل لابعد حد
بامل عايش دوم جواه
انا وشي بشوش
والقلب عبوس
زعلان من ظلم
قلوب ونفوس

زعلانة من جرح الدنيا

القاسية

وبمثل اني كثير ناسية

بمثل اني في الدنيا

ملفوفة بتوب مصنوع

الفرحة

بعمل لي ركن بعيبيد

ع الناس

وبراقب دايماً خطاويهم

واتمني الاقي الاحساس

ساكن جواهم وعائش

فيهم

موش بس يادوب

ساكن غناويهم

انا حد قلوب الناس

عشقه

والاكثر منهم

يتمني بدمع العين

اكله الآه

انا حد اتباع مليون مرة

من اهل وناس وكمان خلان

وكاسات الحزن بقت مرة

بتجرع من كاس الحرمان

انا حد بيبفتح لسعاده

بيبان الكون

فبلاقي سعادي

بعنادها

ترحل ماتدوم



رثاء حب

اليوم انعي

حب قلبي

وحبه

بات الوصال

الي طريقه

ملتوي

ياايها

النبض الدفين

في اضلعي

ياايها

العين الحزينة

كف عنك

الدمعي

اليوم اكتب

في الرثاء

وحب عمري

بات مني ضائعاً

صليت عليه

صلاة حبيب

مودع

كفنته

بلهيب شوقي

والانين

والالم

ودفنت
قلبي وقلبه
وحب عمري
واشتياقي
معاً
لظالما
كنت يا قلبي
في الحياة عابراً
لايهوي نبضك
سوي الانين
المحكم
فاليوم
نزعت عن قلبي
حبه

واليوم اتقبل
عزاء احبتي
في قلب كان
بالحياة
والحنين
ينبض

نفسى الاقيه

نفسى الاقيه
واقف اودامى
بتبكي عيونه
ويترجاني
انى اسامح
قلبه وغلطه
وانى ارجع له
اوام من تانى
وانا بثباتى
وعزة نفسى
املك روى

واملك نفسي
واكذب كذبة
عليه
بعنيا
انه لافارق ولاعاد
تاتي
يسكن قلبي
ولايتنعم بين
احضاني
واحس بكسرة
قلبه وروحه
وارجع اطيب
كل جروحه

مانا مقدرش
اقسي عليه
او اني اشوف
يوم دمع عنيه
واني اسيب
يوم جرح
في روحه

لمبة جاز

ياللمبة جاز كانت دائماً تنورنا

تدفينا تظننا

ياللمبة جاز وعيشة بسيطة

ياوضتين ني بتعريشة

ياصوت امي في عز البرد

بيدفي وظله وايدها بتغطي

ياعشة فوق سطوح البيت

وكام فرخة وبطاية

وبركة في عيشة

وضحكاية ما فارقت

يوم اركان بيتنا

وفجأة الني بقا بناية
وعليت للسما وعدت
حدود اللحم والمعقول
وراحت اللي دفيتنا
وحبيتنا وطل ليها
علي الماكينة تجيب بالعافية
قوت يومنا
سكنا العالي وعلينا
وراح الحب وحببتي
وراحت لمة العيلة
وراحت كل احلامنا
بقينا نعيش ونتمني
ونحلم تاني بلمبة جاز
ولمتنا

وعيشة بسيطة
واوضتين ني بتعريشة
وصوت امي في عز البرد
يدفينا

ها ابعء وانساك

كل ماقول ها ابعء وانساك

القي قلبي بيتمانك

القي روعي مني تروح

وف روكك تسكن وتبوح

القي مشاعري بتتحدايني

وعشقك بيحلي لي زماني

كل ماقول هبعء وانساك

القي هوايا يدوب في هواك

القي عيوني بتلمع اكر

وقت ماتشوفك م الشباك

كل ماقول ابعء وانساك

القي قلبي بيهرب مني
ويسكن حضنك ويا دفاك
القي الدنيا بتتحداني
اقدر اعيشها كدة من تاني
زي ماعشت سنين في هواك
القي روعي مشاعري وكلي
بيتحدوني
افكر تاني واهرب من حبي واحلامي
مالاقي غير حضنك يا حبيبي بيتلاقاني

حرقه قلب

حرقه ف قلبى ونار ومرار

على فراق نواره الدار

كانت بسمة وكانت نسمة

كانت فرحة ليل ونهار

كانت دايماً تنسى عشاننا

كل حياتها

كت بتضحى بروحها عشاننا

كت بتجوع لأجل توكلنا

كت تبرد لأجل تدفيننا

كت تتعب وتدارى علينا

كت تضحك فى وشوشنا تملى

لأجل تشوف فرحنا في عيننا
راحت منا وراح وياها
كل حنانها وطعم أيامنا
وبقينا نحلم لو بدقيقة
نترمي فيها بين أحضانها
وسابتنا في الدنيا نعافر
والبرد القارص يقتلنا
والدمع الساكن في عيوننا
مالهوش لا نهاية ولا آخر
والفرح بيرحل وخاصمنا
ووجعنا تملي ملازمنا
عيدك يجي وأنا وحديا
مابلاقي غير دمع عنيا
ودعايا لقلبك يتهننا

ويكون مسواكي ف الجنة
بدعيلك وبعلو الصوت
في الجنة تعيشي وتتهني
ياملاكي وكل ماكان ليا
ياحبيبيتي وقلبي وعنيا
سمعاني تملي ياحبيبيتي؟!
مانا أصلي دايماً بحكيك
وتملي معايا وف حضني
مانا حنة منك وهجيك
بدعيلك من قلبي تملي
وأتمني أنول بس رضاكي
واتهني ف حضنك ياحبيبيتي
وأعيش ف الجنة وياكي
إسمك عايش بين أحضاني

بیردلی روجی وکیانی
إنت ف قلبی واللہ یأمی
من فضلک ده کان وجدانی
کل لیالی العمر تفوت
وأنأ مش قآدره أعیش من تانی
بصرخ وبعلو الصوت
وبقولک یأأمآ وحشانی

محتوى الكتاب

الصفحة	المحتوى	م
2	بطاقة الكتاب	1
3	الإهداء	2
4	اتحالى يامه	3
7	اشتقت إليك	4
12	بدارى الدمعه فى عيونى	5
18	حنينى إليك	6
23	غيابك طال	7
27	مليون سد	8
33	عتاب الأحبة	9
36	حب بعد المداولة	10
42	إوعى تسيبنى	11
48	رسالة إلى الوالى	12

52	ملكة هواك	13
55	الشعر رسالة	14
60	ثورة الحب	15
63	عند الأشواق	16
68	محتاج أتكلم وأفضض	17
72	ميلان الروح	18
79	أنا حد سعيد أوى من براه	19
83	رثاء حب	20
87	نفسى الأقيه	21
90	لمبة جاز	22
93	ها ابعده وانساك	23
95	حرقه قلب	24
99	محتوى الكتاب	25